

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
OPĆINA JAJCE
Općinski načelnik

Broj: 02-14-7-4587/19
Datum: 17.10.2019. godine

Na osnovu člana 70. Zakona o javnim nabavkama BiH („Službeni glasnik BiH“, broj 39/14) i člana 110. Statuta Općine Jajce („Službene novine Općine Jajce“, broj 3/08) u postupku javne nabavke – konkurentskog zahtjeva za dostavu ponuda za radove koji se odnose na uređenje biciklističke staze Ćusine-Brišići, čije obavještenje je objavljeno na portalu javnih nabavki pod brojem 1190-7-3-49-3-32/19 od 05.09.2019. godine, Općinski načelnik donosi

ODLUKU o poništenju postupka

I

Donosi se odluka o poništenju postupka javne nabavke radova: „Uređenje biciklističke staze Ćusine-Brišići“, broj 02-14-7-4587/19, čije obavještenje je objavljeno na portalu javnih nabavki pod brojem 1190-7-3-49-3-32/19 od 05.09.2019. godine.

Odluka o izboru najpovoljnijeg ponuđača broj 02-14-7-4587/19 od 01.10.2019. godine stavlja se van snage.

II

Postupak konkurentskog zahtjeva za dostavu ponuda se poništava jer je izabrani ponuđač u pisanoj formi odbio dodjelu ugovora (član 72. stav (3) tačka c) Zakona o javnim nabavkama BiH).

III

Ova odluka objavit će se na web stranici Ugovornog organa: [www.opcina – jajce.ba](http://www.opcina-jajce.ba) istovremeno s upućivanjem ponuđačima koji su učestvovali u postupku javne nabavke shodno članu 70. stav (6) Zakona o javnim nabavkama BiH.

O b r a z l o ž e n j e

Ugovorni organ – Općina Jajce je provela postupak javne nabavke putem konkurentskog zahtjeva za dostavu ponuda za izbor najpovoljnijeg ponuđača za nabavku radova koji se odnose na uređenje biciklističke staze Ćusine-Brišići, čije obavještenje je objavljeno na portalu javnih nabavki pod brojem 1190-7-3-49-3-32/19 od 05.09.2019. godine.

U predmetnom postupku javne nabavke Rješenjem Općinskog načelnika broj 02-14-7-4587/19 od 04.09.2019. godine imenovana je Komisija za javne nabavke.

Komisija za javnu nabavku je Ugovornom organu dostavila Zapisnik o ocjeni ponuda i Preporuku o izboru najpovoljnijeg ponuđača broj 02-14-7-4587/19 od 01.10.2019. godine.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu zaprimljenih ponuda, o čemu je sačinila odgovarajuće zapisnike u kojima je utvrđeno da je blagovremeno zaprimljena jedna (1) ponuda i to ponuda privrednog društva „BH4“ d.o.o. Jajce - ponudena cijena sa PDV-om iznosi 74.178,00 KM (ponuda bez PDV-a iznosi 63.400,00 KM). Ocjenom zaprimljene ponude Komisija je utvrdila da je zaprimljena ponuda dostavljena u skladu sa postavljenim uslovima u konkurentskom pozivu, tj. ponuda sadrži tražena dokumenta te je ponuđač ocijenjen kao kvalifikovan.

Komisija je preporučila Ugovornom organu da se u predmetnom postupku javne nabavke dodijeli ugovor ponuđaču „BH4“ d.o.o. Jajce. Ugovorni organ nije našao razloge nepravilnosti niti propuste u radu Komisije koji bi eventualno bili osnov za neprihvatanje preporuke Komisije za javnu nabavku te je donio odluku o izboru najpovoljnijeg ponuđača kojom je kao najpovoljniji ponuđač izabran „BH4“ d.o.o. Jajce. U skladu sa članom 4. odluke ponuđač je bio dužan u roku od 5 dana od dana prijema odluke dostaviti Ugovornom organu dokumentaciju propisanu članom 45. i 47. Zakona o javnim nabavkama BiH koja je zahtijevana tenderskom dokumentacijom. Dana 07.10.2019. godine na pisarnici Općine Jajce zaprimljeni su dokazi o traženoj kvalifikovanosti.

Na pisarnici Općine Jajce dana 16.10.2019. godine od ponuđača „BH4“ d.o.o. Jajce zaprimljena je obavijest o odustajanju od ponude u postupku javne nabavke koja se odnosi na uređenje biciklističke staze Ćusine-Brišići broj 02-14-7-4587/19, zbog naknadno utvrđenih računskih propusta i greški u ponudi, te da zbog istih ponuđač nije u mogućnosti završiti projekat za ponudeni iznos u predviđenom roku.

U skladu sa članom 72. stav (3) tačka c) Zakona o javnim nabavkama ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača u slučaju da ponuđač u pisanoj formi odbije dodjelu ugovora. S obzirom na to da je u ovom postupku javne nabavke zaprimljena samo jedna ponuda i da nema drugorangiranog, Ugovorni organ u skladu sa zakonom poništava postupak i donosi odluku kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba Uredu za razmatranje žalbi BiH putem ugovornog organa u roku od 5 dana od dana prijema Odluke.

Dostaviti:

- Ponuđačima
- Službenik za informisanje
- a/a

